




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CJMAI. 2.3.124/a





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.124/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.124/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.124/a

S.^{MI} IN CHRISTO PATRIS, ac
D. N. D.

INNOCENTII

DIVINA PROVIDENTIA

PAPÆ X.

CONSTITVTIO,

Qua declarantur, & definiuntur quinque Pro-
positiones in materia Fidei.



R O M Æ,
Ex Typographia Reuer. Camerae Apost. 1653.

2^{MI} IN CHRISTO PATRIS, ac
D. N. D.

INNOCENTII

DIVINA PROVIDENTIA

PAPAE X.

CONSTITUTIO,

Qua declarantur, & definiuntur quidam Propositiones in materia Fidei.



R O M A E,
Ex Typographia Reuer. Cameræ Apoll. 1623.

INNOCENTIVS EPISCOPVS

Seruus Seruorum Dei.

*Vniuersis Christi fidelibus salutem, & Apostolicam
Benedictionem.*



VM occasione Impressionis libri, cui
Titulus, Augustinus Cornelij Iansenij
Episcopi Iprensis, inter alias eius opi-
niones orta fuerit, præsertim in Gal-
lijs controuersia super quinque ex il-
lis, Complures Galliæ Episcopi apud Nos insti-
terunt, vt easdem Propositiones Nobis oblatas ex-
penderemus, ac de vnaquaque earum certam, &
perspicuam ferremus sententiam.

*Tenor verò præfatarum Propositionum est prout
sequitur.*

Prima: Aliqua Dei præcepta Hominibus iustis vo-
lentibus, & conantibus secundum præsentem, quas
habent vires, sunt impossibilia, deest quoque illis
Gratia, qua possibilia fiant.
Secunda: Interiori Gratiæ in statu Naturæ lapsæ nun-
quàm resistitur.
Tertia: Ad merendum, & demerendum in statu Na-
turæ lapsæ non requiritur in Homine libertas à
necessitate, sed sufficit libertas à Coactione.

Quarta: Semipelagiani admittebant præuenientis Gratiæ interioris necessitatem ad singulos actus, etiã ad initium fidei, & in hoc erant Hæretici, quòd vellent eam Gratiã talem esse, cui posset Humana voluntas resistere, vel obtemperare.

Quinta: Semipelagianum est dicere, Christum pro omnibus omninò Hominibus mortuum esse, aut sanguinem fudisse.

Nos, quibus inter multiplices curas, quæ animum nostrum assiduè pulsant, illa in primis cordi est, vt Ecclesia Dei Nobis ex Alto commissa, purgatis prauarum Opinionum erroribus, tuto militare, & tanquàm Nauis in tranquillo Mari, sedatis omnium tempestatum fluctibus, ac procellis, securè nauigare, & ad optatum salutis Portum peruenire possit.

Pro rei grauitate, coram aliquibus S. R. E. Cardinalibus ad id specialiter sæpiùs congregatis, à pluribus in Sacra Theologia Magistris, easdem Quinque Propositiones, vt supra Nobis oblatas, fecimus singillatim diligentèr examinari, eorumquè suffragia, tum voce, tum scripto relata maturè considerauimus, eosdemque Magistros, varijs coram Nobis actis Congregationibus, prolixè super eisdem, ac super earum qualibet differentes audiuius.

Cum autem ab initio huiuscemodi discussionis ad Diuinum implorandum Auxilium multorum Christi fidelium preces, tum priuatim, tum publicè indixissemus, postmodum iteratis eisdem feruentius,

ac

ac per Nos sollicitè implorata Sancti Spiritus Assistentia, tandem Diuino Numine fauente, ad infra-scriptam deuenimus Declarationem, & Definitionem.

Primam prædictarum Propositionum: Aliqua Dei præcepta Hominibus iustis volentibus, & conantibus, secundum præsentem, quas habent Vires, sunt impossibilia, deest quoque illis Gratia, qua possibilia fiant: Temerariam, Impiam, Blasphemam, Anathemate damnatam, & Hæreticam declaramus, & vti talem damnamus.

Secundam: Interiori Gratiae in statu Naturæ lapsæ nunquam resistitur: Hæreticam declaramus, & vti talem damnamus.

Tertiam: Ad merendum, & demerendum in statu Naturæ lapsæ non requiritur in Homine libertas à necessitate, sed sufficit libertas à Coactione: Hæreticam declaramus, & vti talem damnamus.

Quartam: Semipelagiani admittebant præuenientis Gratiae Interioris necessitatem ad singulos actus, etiam ad initium Fidei, & in hoc erant Hæretici, quòd vellent eam Gratiam talem esse, cui posset humana Voluntas resistere, vel obtemperare: Falsam & Hæreticam declaramus, & vti talem damnamus.

Quintam: Semipelagianum est dicere, Christum pro omnibus omninò hominibus mortuum esse, aut Sanguinem fudisse; Falsam, Temerariam, scandalosam; & intellectam eo sensu, vt Christus
pro

pro salute dumtaxat Prædestinatorum mortuus sit:
Impiam, Blasphemam, Contumeliosam, Diuinæ
Pietati Derogantem, & Hæreticam declaramus,
& vt̃ talem damnamus.

Mandamus igitur omnibus Christi fidelibus vtriusque
sexus, ne de dictis Propositionibus sentire, doce-
re, prædicare aliter præsumant, quàm in hac præ-
senti nostra Declaratione, & Definitione contine-
tur sub censuris, & poenis contra Hæreticos, & eor-
um fautores in iure expressis.

Præcipimus paritèr omnibus Patriarchis, Archiepi-
scopis, Episcopis, alijsque locorum Ordinarijs,
nec non Hæreticæ prauitatis Inquisitoribus, vt
Contradictores, & Rebelles quoscumque per cen-
suras, & poenas prædictas, cæteraque iuris, & fa-
cti remedia opportuna, inuocato etiam ad hoc (si
opus fuerit) Auxilio Brachij Sæcularis, omninò
coerceant, & compescant.

Non intendentes tamèn per hanc Declarationem,
& Definitionem super prædictis Quinque Propo-
sitionibus factam, approbare vllatenùs alias opi-
niones, quæ continentur in prædicto libro Corne-
lij Iansenij. Datum Romæ apud Sanctam Mariam
Maiorem Anno Incarnationis Dominicæ millesi-
mo sexcentesimo quinquagesimo tertio, pridie Kali-
lunij, Pontificatus Nostri Anno Nono.

Hi. Datarius.

G. Gualterius.


P. Ciampinus.


Anno à Natiuitate D. N. IESV Christi Millesimo
sexcentesimo quinquagesimo tertio, Indictione sexta,
Pontificatus Sanctissimi in Christo Patris, & D. N.
D. INNOCENTII Diuina Proidentia Papæ X.
Anno eius Nono, die verò nona mensis Iunij supra-
dicta Constitutio affixa, & publicata fuit in Ecclesiæ
Lateranen. ac Basilicæ Principis Apostolorum de Vr-
be, nec non Cancellariæ Apostolicæ valuis, ac in acie
Campi Floræ per me Hieronymum Mascellam San-
ctissimi D. N. Papæ Cursorem.


Pro D. Mag. Cursorum P. Paulus Desiderius Curfor.

Anno a Nativitate D. N. IESV Christi Millesimo
secentesimo quinquagesimo tertio, Indictionis sexta,
Pontificatus Sanctissimi in Christo Patris, & D. N.
INNOCENTII II. Divini Providentia Papae X.
Anno eius Nono, die vero nona mensis Iunii supra-
dicta Constitutio affixa & publicata fuit in Ecclesia
Lateranensi ac Basilica Praeceptis Apostolorum de V-
be, nec non Cancellaria Apostolica valens, ac in aede
Campi Florae per me Hieronymum Magellum San-
ctissimi D. N. Papae Cursum.

Pro D. Mag. Cursum P. Paulus Dilectus Curator.







005645944
005645945

